



Inatsisartuni ilaasortaq,
Anders Olsen, Siumut

Ulloq: 09-03-2022
Suliap normua. 2021 - 20882

Postboks 930
3900 Nuuk
Tlf. (+299) 34 50 00
Fax (+299) 34 66 66
E-mail: asn@nanoq.gl
www.naalakkersuisut.gl

Politeeqarfiit pillugit § 37 naapertorlugu apeqqummut nr. 166-2021

Politeeqarfinni atorfeqartut pillugit Inatsisartut suleriaasianni § 37, imm. 1 naapertorlugu apeqquutit ataani allanneqartut apeqquutigisimavatit.

1. Ukioq 2000-imiit 2010 tikillugu politeeqarfinni tamani aalajangersimasumik polititit atorfeqartut kisitsisinngorlugit qanoq isikkoqarpap (illoqarfikkaartumik?)

Akissut:

Apeqquutit akinissaannut Inatsisit Atuutsinneqarnerannut Ministereqarfimmit ilassutinik piniartoqarpoq. Apeqquutit akinissaannut Naalagaaffiup politivinit oqaaseqaatinik Inatsisinik Atuutsitsinermut Ministereqarfik pissarsisimavoq. Apeqquutit akinissaannut Kalaallit nunaanni Politiit oqaaseqaatinik Naalagaaffiup politivi pissarsisimavoq.

“Isumannaatsuunissaq pissutigalugu politeeqarfinni atorfiit amerlassuserpiaat ilisimatitsissutigineqarsinnaanngitsoq Kalaallit Nunaanni Politiit aallarniutigalugu ilisimatitsissutigaa. Tamatuma peqatigisaanik politeeqarfinni ataasiakkaani polititit ilinniarsimasup ataatsip ukiumut suliarisinnaasaanik aalajangersimasumik politeeqarfiit inuttalersorneqarneq ajortut, tassami politit suliassaap pilersaarutaasut tunngavigalugit missingiutit aallaavigalugit inuttalersuineq aalajangersarneqartartoq, taannalu ukiup ingerlanerani allanngorarsinnaasoq kiisalu ukiumit ukiumut allanngorarsinnaasortaaq politeeqarfiup ilisimatitsissutigaa.

Politiit suliassaannut tunngasunut atorfiit ataatsimoortinneqarneranni amerlanersaasa sulisunit najugaqavissunit inuttalernerqartarnissaat Kalaallit Nunaanni Politiit ilungersuutigisarpaat. Atorfiit najugaqavissunit inuttalernerqarsinnaanngitsut, naalagaaffeqatigiinni politeeqarfinnit allanit ikiuttoqarneratigut inuttalernerqartarput, atorfinitsitsinerlu sapinngisamik ukiunik marlunnik sivilissuseqartinneqartarluni, tamannali periarfissaatinnagu sivikinnerusinnaasarluni.

Isumannaatsuunissaq aamma politit suliassaap pilersaarutaasut eqqarsaatigalugit politit suliassaannut tunngasunut atorfiit erseqqissumik aallaaviatigut tamatigut inuttalernerqartartut Kalaallit Nunaanni Politiit tamatuma peqatigisaanik erseqqissaatigaa.”

2. Ukioq 2010-miit 2020 ilanngullugu politeeqarfinni tamani aalajangersimasumik polititit atorfeqartut kisitsisinngorlugit qanoq isikkoqarpap (illoqarfikkaartumik?)



Akissut:
Apeqqummut 1-imut akissut takuuk.

3. Nunarput tamaat isigalugu politiit atorfegartinneqartut amerlassusaat qanoq ukiuni qulaani taaneqartuni inissisimava?

Akissut:

Apeqqutit akinissaannut Inatsisit Atuutsinneqarnerannut Ministereqarfimmit ilassutinik piniartoqarpoq. Apeqqutit akinissaannut Naalagaaffiup politiivinit oqaaseqaatinik Inatsisunik Atuutsitsinermut Ministereqarfik pissarsisimavoq. Apeqqutit akinissaannut Kalaallit nunaanni Politiinit oqaaseqaatinik Naalagaaffiup politiivi pissarsisimavoq.

“Piffissami 2012-imiit 2021-imut Kalaallit Nunaanni Politiini politiit tjenestemandit ineriartorsimanagerat nalunaarsuiffimmi ataaniittumi takuneqarsinnaavoq. Piffissami 2000-imiit 2011-imut Kalaallit Nunaanni Politiini politiit tjenestemandit pillugit kisitsisit tatiginassusaat uppersarsineqarsinnaasimangilaq, kisitsisillu taakku pingaarutilimmik qularnartortaqtutut nalilerneqarmata taammaammat ilanngunneqanngillat”.

<u>Ukioq</u>	<u>2012</u>	<u>2013</u>	<u>2014</u>	<u>2015</u>	<u>2016</u>	<u>2017</u>	<u>2018</u>	<u>2019</u>	<u>2020</u>	<u>2021</u>
Politiit										
tjenestemandit	135	155	151	152	156	146	146	147	149	152

*Najoqqutaq: HR Kisitsisit pingaarnerit, <https://politi.dk/-/media/mediefiler/landsdaekkende-dokumenter/statistikker/hr-politiets-ansatte/hr-noegletal-november-2021.pdf?la=da&hash=74EFAFFA521CCB9AAE5FD50FC7B7313B440B7838>

4. Politiit atorfii amerlassutsikkut anguniakkat qanoq isikkoqarpat?

Akissut:

Apeqqutit akinissaannut Inatsisit Atuutsinneqarnerannut Ministereqarfimmit ilassutinik piniartoqarpoq. Apeqqutit akinissaannut Naalagaaffiup politiivinit oqaaseqaatinik Inatsisunik Atuutsitsinermut Ministereqarfik pissarsisimavoq. Apeqqutit akinissaannut Kalaallit nunaanni Politiinit oqaaseqaatinik Naalagaaffiup politiivi pissarsisimavoq.

“2021-imiit 2023-imut politiit unnerluussisussaataasullu aningaasaqarnerat pillugu isumaqatigiisummi inuttassarsiuinerup patajaallisaavigineqarnissaanut, inuttalersuinerumut aamma sulisut tigummiinnarnissaannut aningaasanik immikkoortitsisoqarpoq, matumani politeeqarfiit maannamut politiit tjenestemandimit ataatsimit inuttaqartut amerlisaavigineqarneri aamma massakkut politeeqarfiit tamarmik minnerpaamik politiit ilinniarsimasunik marlunnik inuttaqalerneru ilanngullugit. Tamatuma saniatigut Kalaallit Nunaanni Politiinngorniarfimmi ilinniartussanik pitsaanerpaanik tigutittoqarnissaa qulakkeerniarlugu, inoqatinut attaveqaatit il.il. atorlugit inuttassarsiuinermik ussassaarineqarit eqeersimaartumik Kalaallit Nunaanni Politiit suliarisarpaat. Tamatuma saniatigut qallunaat politeeqarfiinit sivisunerusumik ikiuuttussanik inuttassarsiuineq Kalaallit Nunaanni Politiit eqeersimaartumik suliarisarpaat, ilaatigut Danmarkimi politeeqarfinni allani aamma politiinngorniarfinni paasititsiniaanikkut tamanna pisarluni.



Naggataagut ulluinnarni pissusissamisoortumik suliassaminnut ilaatillugu politiit ilinniarsimasut sulinermik ilarujussua nalunaarusiornernik unnerluussissusiornerminnullu il.il. naammassinninniarnerminnut atortaraat Kalaallit Nunaanni Politiit maluginiaqqaat. Tassungattaq atatillugu Kalaallit Nunaani pissutsit immikkut ittut malugeqquneqarput, tassami sulisut politiit ilinniarsimasut taamatuttaaq najukkani eqqartuussivinni unnerluussisutut sulisussaasarmata, tamannalu politeeqarfinni allani suleqatinut naleqqiullugu, tunngaviusumik piareersarnernik il.il. allaffimmi sivisunerusumik piffissamik atuisarnerannik kinguneqartarpoq”.

Naalakkersuisut oqaaseqaataat:

Kalaallit Nunaanni inuttaasut tamarmik toqqissisimanissaat, aamma sumiluunniit najugaqaralarunik assigiimmik inatsisitigut isumannaatsuunissaat Naalakkersuisut pingaartippaat. Politiit suliassaattut missingiussat apeqqutaatinnagit, tamannami amerlanertigut nalinginnaasumik atorfeqartitsiniarnermut pissutsitini takussutissiisarmat aamma isumalluutini amigaatigineqartuni sunnerneqarsinnaasarmat, politeeqarfinni tamani pisariaqartinneqartuni atorfeqartitsinissaq pingaaruteqarpoq. Taamaammat atorfeqartinneqartussatut pisariaqartinneqartunut eqqortunut naapertuuttumik atorfinitsitsisoqartarnissaa qulakkeerniarlugu, politeeqarfinni atorfeqartitsineq pillugu Inatsisit Atuutsinneqarnreannut Ministereqarfik Naalakkersuisut ingerlaavartumik oqaloqatigisarpaat.

Inussiarnersumik inuulluaqqusillunga

Naaja H. Nathanielsen